

Hercegovačko-neretvanskog kantona

Intenziviranje i jačanje saradnje sa jedinicama lokalne samouprave u HNK je obaveza koju će Skupština realizovati, prije svega, kroz javne rasprave koje će se organizirati prije donošenja zakona za koje je neophodno konsultovati jedinice lokalne samouprave u HNK, kao i kroz radne posjete jedinicama lokalne samouprave.

IV UČEŠĆE SKUPŠTINE U RADU
REGIONALNIH ORGANIZACIJA

Skupština će nastaviti i unapređivati suradnju sa Skupštinom evropskih regija i Skupštinom Jadransko-jonske regije, kao i sa drugim asocijacijama i skupštinama regija sa kojima se ostvari saradnja, posebno kroz projekte prekogranične saradnje. Ova saradnja će posebno doći do izražaja u procesu pristupanja BiH Evropskoj uniji, a zbog usklađivanja i donošenja propisa iz nadležnosti Skupštine HNK, u skladu sa Sistemom koordinacije procesa Evropskih integracija u Bosni i Hercegovini.

Skupština će putem svojih tijela, učestvovati u svim aktivnostima koje imaju za cilj jačanje kapaciteta Skupštine za procese EU integracija.

Skupština će raditi i na donošenju planskih i razvojnih dokumenata koji će biti podloga za aktivnije učešće Vlade HNK u izradi projekata za korištenje sredstava iz IPA fondova EU.

V OSTALO

Pored pitanja navedenih u prethodnim poglavljima ovog Programa, Skupština će na svojim sjednicama razmatrati i druga pitanja koja se ocijene kao posebno važna, a koja su iz u nadležnosti Skupštine. Skupština će osigurati transparentnost u svom radu, u skladu sa Zakonom omogućiti pristup skupštinskim materijalima, izdavati službene obavijesti, te poduzimati mjere i aktivnosti da svi mediji i drugi zainteresovani mogu nesmetano pratiti sjednice Skupštine i sjednice skupštinskih tijela.

Skupština HNK će u okviru svoji nadležnosti razmatrati i donositi odluke o imenovanjima, razrješenjima i potvrđivanjima, po prijedlozima ovlaštenih predlagača.

Kolegij Skupštine HNK u saradnji sa Stručnom službom će preduzeti mjere da se u prvoj polovini 2022. godine obezbijede uslovi za rad Skupštine u zgradi Skupštine HNK.

Program rada Skupštine za 2022. godinu stupa na snagu danom donošenja, a objavit će se u „Službenim novinama Hercegovačko – neretvanskog kantona“.

Bosna i Hercegovina
Federacija Bosne i Hercegovine
Hercegovačko-neretvanski kanton
S K U P Š T I N A

Broj: 02-01-041/22
Mostar, 18.03.2022. godine

P R E D S J E D A V A J U Ć I
Šerif Špago, s.r.

104

Na osnovu člana 39. Ustava Hercegovačko – neretvanskog kantona („Službene novine HNK“, broj: 2/98, 3/98, 4/00, 7/04 i 6/21), i člana 95. Poslovnika Skupštine Hercegovačko – neretvanskog kantona („Službene novine HNK“, broj: 2/05), Skupština Hercegovačko – neretvanskog kantona na sjednici održanoj dana 18.03.2022. godine donijela je sljedeće

ZAKLJUČKE

I

1. Skupština Hercegovačko-neretvanskog kantona odaje priznanje zdravstvenim radnicima koji su u prethodnom periodu izuzetnim naporima doprinijeli da se pandemija korona virusa stavi pod kontrolu.

2. Skupština Hercegovačko-neretvanskog kantona konstatuje da ranije doneseni Zaključci Skupštine koji definišu poslovanje i zapošljavanje nisu u potpunosti ispoštovani. Zadužuje se Vlada HNK da u roku od 90 dana utvrdi usklađenost Pravilnika o unutrašnjoj organizaciji i sistematizaciji radnih mjesta javnih zdravstvenih ustanova kojima je osnivač ili suosnivač Hercegovačko-neretvanski kanton sa važećim standardima i normativima iz obaveznog zdravstvenog osiguranja u Federaciji BiH i preduzme odgovarajuće aktivnosti.

Pozivamo jedinice lokalne samouprave u Kantonu da u javnim zdravstvenim ustanovama čiji su osnivači također utvrde usklađenost Pravilnika o unutrašnjoj organizaciji i sistematizaciji radnih mjesta sa važećim standardima i normativima iz obaveznog zdravstvenog osiguranja u Federaciji BiH.

3. Skupština Hercegovačko-neretvanskog kantona konstatuje da je u Budžetu HNK za 2021. godinu za domove zdravlja u HNK bilo planirano 2 miliona KM, a da je izmjenama i dopunama Budžeta za 2021. godinu dodatno izdvojeno 1,3 miliona KM. Budžetom HNK za 2022. godinu planirano je

Hercegovačko-neretvanskog kantona

izdvajanje za domove zdravlja iznos od 3 miliona KM.

Konstatujemo da sredstva koja izdvajaju jedinice lokalne samouprave za domove zdravlja su nedovoljna.

Skupština Hercegovačko-neretvanskog kantona poziva jedinice lokalne samouprave da u skladu sa Zakonom o zdravstvenoj zaštiti Federacije Bosne i Hercegovine osiguraju dodatna finansijska sredstva za rad zdravstvenih ustanova čiji su osnivači.

4. Zadužuje se Zavod zdravstvenog osiguranja HNK da u roku od 30 dana dostavi kriterije i podatke, po kojima su zaključeni ugovori za finansiranje svih zdravstvenih ustanova u 2022. godini.

5. Skupština HNK poziva Vladu i Parlament Federacije BiH da okonča proceduru donošenja Zakona o finansijskoj konsolidaciji i restrukturiranju javnih zdravstvenih ustanova F BiH. Zadužuje se Vlada HNK i jedinice lokalne samouprave da nakon stupanja na snagu Zakona o finansijskoj konsolidaciji javnih zdravstvenih ustanova u Federaciji Bosne i Hercegovine pripreme propise iz svoje nadležnosti u cilju finansijske konsolidacije zdravstvenih ustanova koje nisu obuhvaćene spomenutim propisom.

6. Zadužuje se Vlada HNK da izradi Strategiju razvoja zdravstva u HNK za period do 2027. godine.

II

Zaključci stupaju na snagu danom donošenja, a objavit će se u „Službenim novinama Hercegovačko – neretvanskog kantona“.

Bosna i Hercegovina
Federacija Bosne i Hercegovine
Hercegovačko – neretvanski kanton
S K U P Š T I N A

Broj: 02-01-042/22
Mostar, 18.03.2022. godine

P R E D S J E D A V A J U Ć I
Šerif Špago,s.r.

105

Na osnovu člana 39. Ustava, tačka f) Hercegovačko-neretvanskog kantona („Službene novine HNK“, broj:2/98, 3/98, 4/00, 7/04 i 6/21), Skupština Hercegovačko-neretvanskog kantona je na sjednici održanoj 18.03.2022. godine, donijela

ZAKLJUČAK

I

Prihvata se Nacrt Zakona o izmjenama i dopunama Zakona o porezu na promet nekretnina, kao dobra osnova za izradu Prijedloga Zakona.

II

Primjedbe, prijedlozi i mišljenja na Nacrt Zakona o izmjenama i dopunama Zakona o porezu na promet nekretnina u HNK iznijeti na sjednici Skupštine HNK-a biti će dostavljeni predlagraču..

Poslanicama se ostavlja rok od 15 dana da u pisanom obliku dostave dodatne primjedbe i prijedloge na Nacrt Zakona o izmjenama i dopunama Zakona o porezu na promet nekretnina.

III

Zadužuje se predlagrač da u roku od 30 dana organizuje javnu raspravu o nacrtu zakona i dostavi izvještaj Skupštini HNK

IV

Zaključak stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
Hercegovačko-neretvanski kanton
S K U P Š T I N A

Broj: 02-01-XVII-043/22
Mostar, 18.03.2022. godine

P R E D S J E D A V A J U Ć I
Šerif Špago,s.r.

106

Na osnovu člana 39. Ustava, tačka f) Hercegovačko-neretvanskog kantona („Službene novine HNK“, broj:2/98, 3/98, 4/00, 7/04 i 6/21), Skupština Hercegovačko-neretvanskog kantona je na sjednici održanoj 18.03.2022. godine, donijela

ZAKLJUČAK

I

Prihvata se Nacrt Zakona o izmjenama i dopunama Zakona o bibliotekarskoj djelatnosti, kao dobra osnova za izradu Prijedloga Zakona.